

## Kolosai

<sup>1</sup> Anutuac ewa siṅguc Kristo Yesuac Méliméli ic wawaṅa ni Paulo zéma ninzéh ninzéhac munana Timoteo <sup>2</sup> niri Kolosai ama yandaiguc ic embac téréya Kristoac qeriaiguc kenhéi hahéi qahac\* kecanzu onac muru kiwi yomi oénécmizic. Anutu Maṅgocnina iwarunec† ewa hia zéma luaenéh he énécmimac.

*Ewa hia ac zéma zéwelec ac.*

<sup>3</sup> Nereṅ onac niṅ wamma zéwelec waṅanzic séc neṅaṅ Miṅ Kewunina Yesu Kristoac Maṅgocya Anutu ewa hia ac ézéanzic. <sup>4</sup> Imi mia Kristo Yesu ninzéhégé mizu imuac buṅa zéma ic embac téréya ionac muru ala siṅgina hezac imuac buṅa niṅanzic imuac niṅac imuhuc waṅanzic. <sup>5</sup> Waṅu ninzéh ninzéh zéma siṅgina imi mia onac wamma kurumenṅiguc niṅkinzéh gina kumugic hezac imuacnec mia hicṅianzac. Waṅu niṅkinzéh imi suruc hélawac buṅa hiabia becnec niṅic imi mia. <sup>6</sup> Buṅa suruc hiabia imi onac muru haréyu ini nimma hélacnec Anutuac ewa hia niṅtegicgic nalé imuarunec sugginaiguc hicṅiyec ésécnec baera baera sécgéma kemma hélaguc wamma yandianzac. <sup>7</sup> Imuhucyanec niniguc momacnec welenṅ qeṅe icya wamma keczac ala sorocnina Epaṅiranéh ku énécmiyu niṅic. Ic imi onac Kristoac ai ic héra wamma keczac. <sup>8</sup> Inéh

---

\* **1:2:** Héniá méṅ imi ninzéhégéma. † **1:2:** Kiwi méraginanéh ooya tosaraiṅuc; Maṅgocnina zéma Miṅ Kewu Yesu Kristo iorac.

mia Uŋa téréyawac qeriaiguc ala siŋ waŋamuanzu imuac suruc nérézéyec.

<sup>9</sup> Hénia imuac niŋac onac suruc niŋic nalé imuarunec éréma niri onac niŋ wamma ménda waima Anutu zéwelec mianzic. Imi mia Uŋa téréyawac niŋtegic qinŋtegic zéma niŋ asac asari-awac kuhaiguc niniŋ Anutuac ewa siŋac murunec hahaya imi kuaya qeŋeya tiénécmimac niŋac zéwelec waŋanzic. <sup>10</sup> Waŋu waŋgic séc Miŋ Kewuninanéŋ niŋu sécgéyu ewa hia nimmac. Waŋu ai hénia hénia eeyaguc memu séc héla mihicŋima Anutuac hénia niŋarenŋégic imuac niniŋa imi yandima kemmac. <sup>11</sup> Waŋu zérabéra horu horugia ségiségi wamma bisima keŋkecgic tecgémac niŋac iwac edamuyawac kuhanéŋ kucgina moczoŋ meseli énécmimac. <sup>12</sup> Imi mia edamuyaiguc ic embac téréyawac ai buŋa bakia késamuac séc mehiaru énécmiyec‡ Maŋgocnina iwac mia ewa hia nimmimanec imuhuc wammu. <sup>13</sup> Inéŋ mia panamaŋac deminŋ totonŋ qeriya igunec nénépésima eŋeya naŋ sorocyawac héngalenŋ ama areŋa yandaiguc nonoprec. <sup>14</sup> Naŋa imi sawanéŋ mulu menénécmiyu késpedesicnina moczoŋ waiwaiya waŋec. <sup>15</sup> Inéŋ mia hémbiŋawac séc qahac Anutu iwac kic tanera wanzac, iwawai ménŋ ménda zéhicŋiyu kerec nalé imuaru bec walac walac hicŋima kerec. <sup>16</sup> Imi mia hénia yomuac niŋac; Iwawai moczoŋ imi iwac qeriaiguc zéyu hicŋidacgic. Iwawai kurumenŋiguc kekera zéma baeciguc kekera, kicnéŋ hémbiŋac séc zéma ménda hémbiŋac séc, tatac edamuyaguc

‡ **1:12:** Kiwi méraginanéŋ ooya tosaraiguc; mehiaru nénécmiyec.

me héngalen wawaṅawac kuc buṅa, galen me galenac qac buṅa imi moczon iwac murunec zéma iwac buṅawac zéhicṅi énécmimia. <sup>17</sup> I eṅeyaoc imi iwawai tosara ménda hicṅima kecgicnec i bec kerecac keczac, waṅu iwawai moczon imi iwac qeriaiguc qéhéréṅgé amuma nandarecac nanzac. <sup>18</sup> Waṅu inéṅ zéyu hicṅidarec momac yanda ionac walac walacgina kecmac niṅac, hénaoṛiṅ neṅaṅ orucnina zéma kekecac hénihénia wamma humuc ic ionac suggina igucnec walac walac qelima yarec. <sup>19</sup> Imi mia Anutunéṅ iwawai moczon Yesuac qeriaguc kuaya qema sécgémima kecmuac zé niṅu sécgéyu imuhuc hicṅidarec. <sup>20</sup> Iwac murunec iwawai kurumeniguc zéma baeciguc hedaczac imi moczon eṅeyaguc ewa momac wammu niṅac Yesuac sawanéṅ ic héṅgeṅa wéndaraiguc luae qenénécmiyec.

<sup>21</sup> Becnec ini, elicgé énécmiyu kecgic. Kecma ewa qerigina zéma wawaṅ memeginaguc hazéra kecgic. <sup>22</sup> Waṅu deguc imi aciguc ménda emmu néṅ késpedes solan wamma Anutuac kiwaiguc ic embac téréyawac buṅa nammu niṅac séwiya wai nénécmima humuma Anutu zéma neṅaṅ suchinaiguc ewa momac mihicṅi nénécmiyec. <sup>23</sup> Ini ninzéh ninzéhiguc kumuselima keṅqe haqegina qahac kecmu. Kecma buṅa suruc hiabia nindacgic imuac niṅkinzéh wamma imuacnec ménda néṅgacma kemmu. Waṅu buṅa suruc hiabia imi mia zéau énécmimia waṅu, kurumen bawaiguc kekec yanda Anutunéṅ zéyu hicṅima keczu imi moczon nindacgic. Waṅu Ni Paulo imi buṅa surucya imuac welen qeṅe ic waṅiac keczua.

*Pauloac welenqege ai.*

<sup>24</sup> Deguc ni onac wamma qenzen manzenjiguc kecma imuac mia ségiségi wanzua. Imuhuc wamma Kristoac qenzen manzenj kitiwa hezac imi iwac héná méria wamma kekera hénáorin onac nin wamma séwinanéj bisiwa sécgénéncac. <sup>25</sup> Ni imi Anutunéj onac nin wamma ai ara nézéyec imi tohoma Anutuac ackuazéc imi énézédacba sécgé énécmimac ninac hénáorin héra ionac welenj qege ic wanj. <sup>26</sup> Ac sanj imi nalé hénihénia qahac hama kejec imuarunec zéma baec yomuac hicnjisaiya hicnjisaiya ionac murunec musanjéyu heyec néj deguc imi ic embachéra téréya ionac muru énézéyu wininiyec. <sup>27</sup> Imi mia Anutunéj ac musanj musanjia imuac edamuyanéj baera baera ic embac ionac muru dimuhuc kindindinac sécgé énécmizac imi énézéyu nimmu ninac imuhuc wanj énécmiyec. Wanj ac musanj musanjia imi mia Kristo sugcinaiguc kezcac inéj mia wanzac. Edamu asaha minjina iwac mia nejanj ninjkumuma kic hihi wammianzinj. <sup>28</sup> Nini imi icya icya Kristoac qeriaiguc solanani énécmima onopocni nammu ninac iwac bunaya zésaima icya icya meme seli ac énézéma ninjtegic qinjtegic ac moczonj nec ku énécmianzinj. <sup>29</sup> Ai imuac mia ni acguc nuac qerinaiguc kuhaguc ai meanzac iwac ai hakaya méndacma kucna moczonj nec ai meanzua.

## 2

<sup>1</sup> Ni ini zéma tosara Laodikea ama arena yandaiguc keczu i zéma tosara kicginanéj

kic tanecna ménda hénzu ionac niŋ wamma dimuhuc kucna qema ai mema kecanzua imi ini niŋ asarimu niŋac wanzua. <sup>2</sup> Ieneŋ qerigina mebélacgé énécmiyu goi héihéi imuac qeriaiguc qutulange amugic niŋtegit qinŋtegit ginaneŋ saima kemma zékéŋ yanda waŋu, Anutuac saŋa Kristoac hénia niŋyacgému niŋac wanzua. <sup>3</sup> Iwac qeriaiguc niŋtegit qinŋtegit ac zéma nininŋ yanda imuhucya eebipiyagucnéŋ saŋgima hezac. <sup>4</sup> Imi mia méŋnéŋ méŋ haléc acnéŋ ménda mesoho énécmimac niŋac imuhuc zézua. <sup>5</sup> Hénia imi yomuhuc; Ni séwinanéŋ wai énécmima kecanzua, néŋ qeri uŋananéŋ iniguc kecanzua. Waŋu ini téréréc dindiŋanec kecma Kristo niŋzéngeŋma seligima nanzu zégic nimma ségiségi waŋanzua.

*Kristoac qeriaiguc kekecyawac séha mihicjiwiŋ.*

<sup>6</sup> Ini Kristo Yesu aŋgéŋ tigic miŋ kewugina wanzac imuac bec iwac ewa siŋ méndacma kecmu. <sup>7</sup> Kristoac qeriaiguc himic énécmiyu gété zaliginanéŋ késaseligima namma ackuazéc ku énécmigic sécyaguc niŋzéngeŋma nanŋseligigic ewa hiawac aranéŋ doku éséc kuaya qesalecge énécmimac. <sup>8</sup> Ini técgina nimma kecmu, baecac icac niŋtegit qinŋtegit ac zéma ikoc acginanéŋ énépésima hésa amaiguc onopocbu niŋac. Nininŋ imuhucya imi yanda onac haka silic mératéc memeya zéma baecac pakeŋ ac efefia imi méndacanzac, néŋ Kristo i ménda méndacanzac. <sup>9</sup> Hénia imi iwac muru imi Anutuac séha kuaya qeqeyanéŋ séwi héla wamma kecanzac. <sup>10</sup> Ini acguc Kristoac qeriaiguc kecgic sécge énécmiyu

ménjac ménj ménda hocmu. Inénj mia galenj zéma ai memeac qac buḡaginaguc ionac orucgina wanzac. <sup>11</sup> Iwac qeriaiguc météré énécmimiawac aséya hai énécmiyec. Imi mia méranénj séwi tasé hericheric imi qahac, nénj Kristoac météré aiiguc séwiginawac siḡ hericdacgic kenkenḡa wanzac. <sup>12</sup> Ini imi iwac doku naec hakaiguc Kristoguc momacnec ténggé énécmimia waḡec. Waḡu Anutunénj Yesu meqelimiyyu yarec imi ninzénégégic iwac qeriaiguc momacnec meqeli énécmimia waḡec. <sup>13</sup> Waḡu késpedescina wamma séwiginaguc séwi tasé hericheric qahac humumia kecaḡgic, nénj Anutunénj Yesuguc meqeli énécmima késpedescina moczoḡ wai énécmiyec. <sup>14</sup> Waḡu musuqeḡe wamma hazéc waḡ nécnécmiaḡec méra kiwi héna aciguc ooya imi moczoḡ audacma mema ic héḡgeḡa wéndara qahaiguc biriḡnéḡ qeyu qahac wandarec. <sup>15</sup> Yesu imi ic héḡgeḡa wéndaraiguc humuyu imuac kuhanénj galenj kewuya kewuya zéma ai memeac qac buḡaginaguc ionac tewi zakonḡgina imi mahaḡgéyu madarec. Waḡu onogicma kawali waḡec imi ic embac kicginaguc mewinini énécmiyu héndacgic.

<sup>16</sup> Imuac bec ic ménḡnéḡ nene dokuac ara me nalé yanda me maso qeliawac hai ségiségi zéma Sabata niḡac késpedes ginaguc zégic qetali énécmigic acgina qaimac. <sup>17</sup> Nalé imuhucya imi biaḡ héla hamacac heyec imuac uḡayanec wanzac, nénj Kristonénj imuac héla wanzac. <sup>18</sup> Ikoc wamma memaamuma kua meme uḡa mepési mianzac imuhucyanénj onac taségina kurumenḡiguc hezac imi onagicbac niḡac galenj

memu. Ic imuhucya imi baec séwíac ewa siñnéñ qéfaccgé miyu emma iwawai ménj héñec imi meyandima hiñgac hiñgarawac zéanzu. <sup>19</sup> Imuhuc wamma orucnina keczac Yesu iwac muru ménda toroqeanzu. Wañu oruc imuacnec mia séwi tasia moczoñ toroya zéma giniñanéñ dérécgéma gumuyu Anutunéñ kuha haiyec séc, séha yandianzac.

*Pakeñ ac ikora niñac goro ac zéyec.*

<sup>20</sup> Ini Kristoguc humuma baecac pakeñ ac hénia hénia imuac niñgic iwawai humumia wañec, néñ némac niñac baecac buña kecanzu ésécnec haka silic imi tohoanzu? <sup>21</sup> Ménda késamu, ménda nenimmu, ménda osimu, zézéya imuhucyawac zézua. <sup>22</sup> Ic onac zézé seli ac zéma pakeñ ac imuhucya méndacbiñ me? Imi qahac, iwawai imuhucya imi moczoñ houma qahac wandacmu. <sup>23</sup> Haka imuhucya méndacma siñginawac mepé qepési ai mema memaamuma séwiginawac yéwéri mihicñi amuma héñgic, meyac énécmimacac séc niñtegic qinñtegicyaguc tanec wanzac gezañ. Wañu haka imuhucyanéñ séwíac siña sigima kekerawac kuha ménj ménda késa keczac.

### 3

*Kekec qelia Kristoguc kecbiñ.*

<sup>1</sup> Imuac niñac ini Yesuguc meqeli énécmiyu qelima kecziuguc iwawai ou heheya niñac wamma kecmu. Imuaru mia Kristonéñ Anutuac héiyaiguc tacma keczac. <sup>2</sup> Baecac iwawai niñac qahac, néñ iwawai ou hezac imuac mia

nimma kecmu. <sup>3</sup> Hénia imi yomuhuc; Ini bec humudacgic kekecgina imi Yesuguc Anutuaru musañgé énécmiyu keczu. <sup>4</sup> Wañu kekecgina wawaña Yesunéñ wininimac nalé imuaru ini acguc edamuginaguc wininima nammu.

<sup>5</sup> Imuac niñac baeciguc kekera séwi taséginawac siñ imi qegic humudacmac. Imi mia yomuhucya; kaiseroac haka silic, haka qakolayaguc, séwiac siñ, biriawac siñ niniñ, zéma hémbaoc. Wañu iwawai méñac hémbaoc wawaña imi baniara mepési mimia tanec wanzac. <sup>6</sup> Haka imuhucya niñac Anutuac qeri biricac zérabéranéñ nambérac ac qeqeya ionac muru hicñi énécmianzac. <sup>7</sup> Ini acguc imuac qeriaiguc kecgic nalé imuaru imuac qeriaiguc tacyac wañañgic. <sup>8</sup> Wañu deguc imi yonkanzañ, qeri biric, niñ zapi, zézé suresure, zéma zézorañ ac biria, biria imuhucya moczoñ kuagina igucnec hetecgégic kendacmac. <sup>9</sup> Ini ic wahala zéma imuac wawañ meme imi hetecgéma ic qelia héima mema keczu, imuac niñac eñaoc ac ikora ménda wañamumu. <sup>10</sup> Wañu ic qelia imi eñeya zéhicñimiyec Anutu iwac hénia méndacma meqeli miyu niniña acguc qelia wanzac. <sup>11</sup> Meqeli ai imuac qeriaiguc imi méñ wai méñ késa qahac, Girik ic me Yuda Ic, ic tuñ séwi tasé hericheric ginaguc me ic tuñ séwi tasé herichericgina qahac, baec méñac icya icya me haséñ ic,\* welen qeqe ic me miñ kewu kekera, wañu Kristo imi moczoñ yanda, wañu moczoñ yanda ionac qeriginaiguc kecdaczac.

<sup>12</sup> Wañu ini Anutuac gési énécmimia, ic em-

---

\* **3:11:** Girik aciguc; Skite ic.



bac héra téréya zéma wéiwécya séc kecma goi héihéi zéma ala siñ zéma memaamuma kekec zéma gum bénzénzéh zéma qeri biricgina helanzi amuma kekec imi malekugina éséc nec héigic meyu kecmu. <sup>13</sup> Wañu ménéh ménac ara zéyu enawu tétécgé amuma kápésicgina waiamuma Miñ Kewuninanéh kápésicgina wai énécmiyec éséc ini acguc imuhucyanec wañamumu. <sup>14</sup> Wañu haka hiabia moczoñ imuac qahaiguc goi héihéi haka imi toroqema wammu goi héihéi haka iminéh rikun solañ wamma dérécgé énécmimac. <sup>15</sup> Luae qeamuma kecmu niñac unuruyu séwi momac wamma keczu. Imuac waigic Kristoac luaenéh qerigina galeñgéyu. Imuac nec toroqema ewa hia ac ézémanc kecmu. <sup>16</sup> Qeriginaguc Kristoac ackuazéc iminéh kuaya qeqeya qesalecgé énécmima heyu, niñtegic qintegic moczoñ nec enawu kuamuma zénañgé amuma legic zéra zéma legic awayagucnéñ legic téréya héima qeriginanéñ ewa hia nimmima Anutu mepésimu. <sup>17</sup> Wañu ackuazéc ginanéñ me wawan memeginanéñ haka ménac mén wambin zé imi moczoñ Miñ Kewunina Yesuac qaraiguc iwac muru héima namma wammu. Imuhuc wamma iwac hia niñac wamma Anutu mañgocnina ewa hia ac ézému.

*Kristoac tohotoho ichéra ionac  
héna zéénécmimia.*

<sup>18</sup> Embac ini euhécgina onac méra bacginaiguc kecmu, Miñ Kewuninawac qeriaiguc héna iminéh sécy wanzac. <sup>19</sup> Ic ini iniñhécgina ionac goigina héimu. Wañu ionac qeri howuc howuc ménda meénécmimu.

<sup>20</sup> Nambérac ini iwawai moczoñiguc neñgoc mañgoc hécgina ionac ac niñtoho wandacmu. Haka iminéñ Miñ Kewuninawac qeriaiguc ewa hia mihicñianzac. <sup>21</sup> Mañgoc ini merac hécgina qerigina ménda mebirimu qerigina kuha mawac niñac.

<sup>22</sup> Welen qeçe ic ini iwawai moczoñiguc baecac miñ kewugina ionac kuagina tohomu. Ic tosara baec ic ionac qerigina mehiaruazu séc ic onac kicgina igucnec sac qahac, néñ kurumenñ Miñ Kewuninawac bac yandi yandi wamma ewa solañanec wammu. <sup>23</sup> Ai imuac me imuac mewiñ zé kurumenñ Miñ Kewuninawac meanziñ séc wambiñ, néñ ic onac meanziñ séc ménda wammu. <sup>24</sup> Imi mia tasénina imi Miñ Kewuninanéñ mératéc nénécmiyu mewiñac hezac imi ini nindacma welen qemianzu. Wañu welen qemianzu imi Kristo, imuac niñac haka imuhuc wañanziñ. <sup>25</sup> Méñnéñ méñ haka biria wammac imi, haka biria imuac bakia melen mimac. Miñ kewuninanéñ séwiginawac inicma ménda énépésianzac.

## 4

<sup>1</sup> Ic galeñ ini imi onac muru acguc kurumenñiguc kunenñgina keczac imi nimma welen qeçe hécgina haka dindiñanec zéma séc momacnec wañ énécmimu.

### *Pakeñ ac toroqeçeya.*

<sup>2</sup> Ini nalé séc seliseli wamma zéwelec ai mema imuac qeriaiguc ewa hia ac ézéma kicqeli kecmu. <sup>3</sup> Wañu nonac niñac momacnec

zéwelecma Anutunéh héná ac énézéwiŋ niŋac naguya aunénécmiyu Kristoac ac saŋa Anutunéh zéau nénécmiyec imi zéau énécmiwiŋ niŋac zéwelecmu. Ni ai imuac mia seŋ hésanéŋ qaté néŋgic kecaŋzua. <sup>4</sup> Ini Anutu imuhuc zéwelec wammigic neŋ ac saŋa imi zémaŋac hezac séc zéau énécmimaŋ. <sup>5</sup> Ini niŋtegic qinŋtegic ginaguc tacyac wammu. Imuhuc wamma séŋgaŋgeŋ ic ionac imi nalé eŋ ménda aumu. <sup>6</sup> Acgina imi nalé séc seinéh naecmima siŋa mehiaruanzu ésécnec goi héihéiiguc wammu. Imuhuc wamma ic méŋac méŋ, ac taséya dimuhuc meleŋmigic hia wammac imi niŋasarimu.

### *Mozoc ac.*

<sup>7</sup> Tikikonéh nenac ac suruc imi waŋ énécmiyu nindacmu. Ic imi nuac ala sorocna zéma ai ic solaŋa inéh Miŋ Kewuninawac qeriaiguc nekawu welenŋ qeŋe ic wamma keczi. <sup>8</sup> Ic imi nonac qerininawac hénia zéasarima ewa qerigina mebélacgé énécmimac niŋac ai imuac mia méliwa onac muru hazac. <sup>9</sup> Waŋu ai ic héra ala sorocnina Onesimo imi momacnec méli érécmizua. Ic imi onac murunec hayec. Waŋu ierenŋ imi yomuac ac suruc imi moczoŋ waŋ énécmidacmaoc.

<sup>10</sup> Waŋu niguc momacnec hésa ic noropocgic kekera Aristako zéma Banaba newura Maka (Mareko yomuac biaŋac ara zéwa ninzu imuac ic yomi hamaciguc hérémimu.) zéma <sup>11</sup> Yesu Yusito zémimia ienenŋ acguc yaizézé ac énézézu. Ienenŋ ic tuŋ séwi tasé hericheric ginaguc ionac murunec, waŋu ai momac hécna wanzu. Ienenŋ

sac Anutuac héngalenj ama arenja yandawac momacnec ai meanzu imuac ic imuhucya enenj imi ewana mehiaru néngic. <sup>12</sup> Ic ménj onac murunec hahaya Kristo Yesuac welenj qeqe ic Epafira inénj acguc yaizézé ac énézézac. Inénj nalé séc onac wamma zéwelecmima ini Anutuac ewa sinjiguc solanjanima selianec ninzénjéma nammu ninjac zéwelecanzac. <sup>13</sup> Ni ic imuac héipuc ac zéwa ninjic. Ic imi onac zéma ic embac Laodikea baeciguc keczu ionac zéma ic embac Hierapolia ama arenja yandaiguc keczu ionac ninj wamma ai kunenj yanda meanzac. <sup>14</sup> Ala sorocnina dokta Luka zéma Dema acguc yaizézé ac énézézac. <sup>15</sup> Dacmuna hécna Laodikea ama arenja yanda igucnec zéma ninzénj ninzénj naujnina Numfa zéma iwac amaiguc hénarinj tocgéanzu ionac nuac yaizézé acna énézégic nimmu. <sup>16</sup> Kiwi yomi sugcinaiguc oloŋgic tecgéyu Laodikea hénarinj énézégic olommu wanju kiwi ménj Laodikea igucnec hamac imi ini imuhucnec oloŋnimmu. <sup>17</sup> Wanju Akipoac mia minj kewuninawac qerai-iguc ai bunja qemiyu késayec imi meyacgéna zéma ézému.

<sup>18</sup> Ni Paolo mérananénj oma yaizézé ac énézézua. Ni senj hésanéj qaténéngic kecanzua imi ninjelima kecgc. Anutuac ewa hianénj onac muru hemac.

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 21 Feb 2024 from source files dated 31 Aug 2023

0403b50f-078d-52e2-a203-056e8a430665